



# საქართველო

საქართველოს გაერთიანებული რესპუბლიკური პარტია  
ყოველკვირეული საზოგადოებრივ-პოლიტიკური გაზეთი  
გამოდიოდა 1903-1905, 1915-1921 წ.წ. აღდგენილია 1989 წელს.

№ 5 (1406)

16-22 თებერვალი, 1995 წ.

## პოლიტიკა

### მიშველეთ! - ყვირის მოქალაქე...

#### ნოდარ ბრიგადაში

პარლამენტი კი, შევლას, როგორც წესი, ყოველთვის ჩაგრული ითხოვს, მაგრამ პარადოქსების ქვეყანაში ასეც ხდება: გამოდგება მოედანზე ქვეყნის დამაქცევარი და მილეთის ხალხს შეყრის - მიშველეთ - შჩაგრავენ, უსამართ-

ლოდ მაკრიტიკებენო. დავით კლიაშვილის მოგონებებიდან ერთი კომიკური სიუჟეტი მახსენდება: მამაჩემო, - წერს დავითი, - სამსონ კლიაშვილმა, ერთხელ, ქუთაისის „ბულვარში“ თავისი გამამწარებელი რუსის ჩინო-

ნიკი დაინახა, წამოეწია, ფეხქვეშ გაიგდო და რუსის ბარაბანივით უბრაზუნაო.

მოჩხუბრებისკენ პოლიციელები გამოქანებულან. სამსონს საშიშროება რომ უგრძენია, მისგან დაბეგვილი რუსი დასასრული მე-2 გვ.

## ეკონომიკა

### შეზარდნაქე და ოპოზიცია

ჩვენი პოლიტიკური ცხოვრების ერთი პარადოქსი ალბათ ისიცაა, რომ ელუარდ შევარდნაქე ყველა სოციოლოგიური გამოკითხვის შედეგად თავისი რეიტინგით მუდამ პირველ ადგილზეა. გაზეთი „რეზონანსი“ ამის თაობაზე სამართლიანად შენიშნავდა: საქართველო არის ქვეყანა, სადაც ჯერ კიდევ სჭერათ შიშველი მეფეებისო; მაგრამ შევარდნაქის ფენომენი შეუძლებელია აიხსნას მარტოოდენ „მამა და მარჩენალის“ კომპლექსით, მიუთქმეტს, როცა ამ „მარჩენალის“ რადიონტერვიუებს ხალხი უკვე „გლახის ნაამბობს“ ეძახის. უბრალოდ, საზოგადოების მნიშვნელოვანი ნაწილის მიერ ელუარდ შევარდნაქე „უმცირეს ბოროტებად“ აღიქმება; იგი მიჩნეულია „სტაბილურობის გარანტიად“, რამდენადაც მაფიოზური ძალების მოსვლა ხელისუფლების სათავეში მაინცდამაინც არავის ეჭაშნიკება, ხოლო რაც შეეხება ოპოზიციას...

გაგრძელება მე-4 გვ.

რუბრიკის სათაური აკაკი მაჭარაძის ერთერთი ნერილის სახელდებიდანაა ნასესხები.

ალმა-ათაში თანამეგობრობის ქვეყნების თავდაცვის მინისტრების შეხვედრაზე ვერ შეთანხმდნენ „დსთ“-ს საზღვრების საერთო დაცვის გეგმაზე. სამაგიეროდ, შეთანხმდნენ საჰაერო თავდაცვის (JIBO) საკითხების ერთობლივ გადაწყვეტაზე. უახლოეს მომავალში ამ მიზნით მოსალოდნელია რუსეთიდან სპეციალისტი წარმომადგენლების ვიზიტი საქართველოში. სავარაუდოა, რომ საჰაერო თავდაცვისათვის მომზადდება ორი აეროდ-

### გენერლები გადანაწილდნენ

რომი მარნეულსა და კობიტარში. რუსი სპეციალისტები თავიანთი ვიზიტის დროს შეისწავლიან ამ აეროდრომების მდგომარეობას და მათი სრულყოფაში მოყვანის საკითხებს. საერთაშორისო სტანდარტებით საჰაერო ტრასის ყოველი კილომეტრი შესაბამისი ნიხრით იბეგრება და საჰაერო სივრცის გაკონტროლების საშუალება, რომე-

ლიც დღეს საქართველოს არ გააჩნია, შესაძლოა, ერთ-ერთი „გამამართლებელი“ საბუთია რუსეთ-საქართველოს მიერ საქართველოს საჰაერო სივრცის ერთობლივი კონტროლისა.

მასალა მომზადდა საქართველოს თავდაცვის სამინისტროს პრეს-სამსახურის საფუძველზე

### რესპუბლიკელები რუსთაველი

გაერთიანებული რესპუბლიკური პარტიის წარმომადგენლები ბატონები ვახტანგ ძაბირაძე, ვახტანგ ხმაღაძე და თემურ ვაშაშვიდი რუსთავის რეგიონალური ორგანიზაციის შტაბ-ბინაში შეხვედნენ ქალაქის პედაგოგებს.

პედაგოგებსა და პარტიის წარმომადგენლებს შორის შეხვედრამ ურთიერთგაგების ვითარებაში ჩაიარა.

შეხვედრა საკმაოდ დიდხანს გაგრძელდა.

პედაგოგებმა ისაუბრეს თავიანთ სატიკოვარზე.

იოქვა რომ მიუნდავად იმისა, რომ იანვრის არდადეგები იძულებითი ხასიათის იყო, მასწავლებლებს იანვრის ისედაც მცირერიცხოვან ხელფასს არ აძლევენ.

მეორეს მხრივ, სტუმრებმა მოიხმინეს საკმაოდ არაორდინალური ინფორმაცია იმის შესახებ, რომ რუსთა-

ვის მე-18 საუკუნე სკოლამ იძულებითი არდადეგების პერიოდში არ შეწყვიტა სწავლა, ვინაიდან დირექციამ წინასწარ იზრუნა სკოლის შენობაში სათანადო პირობების შესაქმნელად, მაგრამ...

მაგრამ რუსთავის ქალაქის განათლების მესვეურებმა კატეგორიულად მოსთხოვეს სკოლის ხელმძღვანელობას, შეეწყვიტათ სწავლა კომენტარი, ვფიქრობთ, შედმეტა.

შეხვედრაზე გამოითქვა აზრი, შექმნილიყო გაერთიანებული რესპუბლიკური პარტიის მხარდამჭერი ჯგუფი. პედაგოგებმა გამოთქვეს სურვილი რესპუბლიკელებთან დიდ აუდიტორიაში მორიგი შეხვედრისა, სადაც ქალაქის პედაგოგიურ საზოგადოებასთან ერთად იქნებოდა მშობლებიც. შეხვედრები კვლავ გაგრძელდება.

ნანა გოღერძიშვილი

### სიშრობრიზი

აფხაზეთის დებუტაცია პარლამენტართა შორის აგროვეებს ხელმოწერებს, რათა აფხაზეთის ავტონომიური რესპუბლიკის მინისტრთა საბჭოს თავმჯდომარედ დაინიშ-

ნოს პარლამენტარი მურმან ომანიძე.

აპირებენ, ამ წინადადებით წარსდგენენ სახელმწიფოს მეთაურის წინაშე.

## ბედი კაცისა



ქარვთა შობისძენე,  
სანამ ეს დოკუმენტი  
მთავრობა გვყავს, გაჭე-  
რი გვიჩინებ დიათავს  
უშველო. ამ შოთაძურში  
იყოფე ბანი იქვს და არ  
შეჭაპო მშენი იქნებო?











სამართლებრივი სახელმწიფოებრიობის აღდგენის დღიდან ჩვენი ქვეყნის საზოგადოებრივ-პოლიტიკური ცხოვრების ერთ-ერთი უმნიშვნელოვანესი საკითხია კონსტიტუციური პროცესის სწორი მიმართულებით განვითარება. კონსტიტუციური პროცესის წარმატებით დასრულებაზე მნიშვნელოვანწილადაა დამოკიდებული ეროვნული სახელმწიფოებრიობის შექმნა და შემდგომი განვითარება.

საკითხის აქტუალობისა და მნიშვნელობის გამო თავს ვალდებულად მივიჩნევთ საჯაროდ გამოვხატოთ ჩვენი პოზიცია კონსტიტუციური პროცესისადმი და საზოგადოებასა თუ პოლიტიკურ ძალებს შევთავაზოთ კრიზისულ სტადიაში მყოფი კონსტიტუციური პროცესის შემდგომი განვითარების ჩვენეული პროექტი. აქვე საჭიროდ ვთვლით აღვნიშნოთ, რომ გაერთიანებული რესპუბლიკური პარტია კონსტიტუციური პროცესის წარმატებულ განვითარებაზე დიდად იყო მოწადინებული, რაც გამოიხატა ამ პროცესში აქტიური მონაწილეობით და ნაყოფიერი მუშაობით.

საქართველოს პარლამენტის დადგენილების შესაბამისად, 1993 წლიდან დაიწყო მუშაობა საქართველოს 1921 წლის კონსტიტუციის ახალი რედაქციის პროექტზე. დღეისათვის შექმნილია პროექტის რამდენიმე ვარიანტი, მათ შორის — ერთი შეჯერებული. კონსტიტუციის ახალი რედაქციის მიღების დადგენილი პროცედურის შესაბამისად, პროექტის საბოლოო რედაქციის შემუშავების შემდეგ იგი უნდა წარედგინოს პარლამენტს და გამოქვეყნდეს საჯარო განხილვისათვის. პარლამენტს პროექტზე მსჯელობის დაწყების უფლება აქვს გამოქვეყნებიდან მხოლოდ ექვსი თვის შემდეგ. პროექტის მიღება უნდა მოხდეს ხმების ორი მესამედით, ამის შემდეგ პროექტი გატანილ უნდა იქნას სარეგულაციო კომისიის მიღების დადგენილი პროცედურით და დადგენილ ვადებში ვერ მოხერხდება, რასაც სუბიექტური და ობიექტური მიზეზები აქვს. ამჯერად ნაკლები მნიშვნელობა ენიჭება ამ მიზეზების ჩამოთვლა-შეფასებას; უმთავრესია ის პოლიტიკური შედეგები, რაც კონსტიტუციის ახალი რედაქციის ვერმიღებას მოჰყვება. უპირველესად, მხედვე-

# გაერთიანებული რესპუბლიკური პარტიის შემოქმედებული კონსტიტუციური პროცესთან დაკავშირებით

ლობაში გვაქვს მორიგი საპარლამენტო არჩევნების შესაძლო გადავადება. გათვალისწინებული იყო, რომ საპარლამენტო არჩევნებამდე, რომელიც მოქმედი კანონმდებლობის შესაბამისად უნდა გაიმართოს მიმდინარე წლის არაუგვიანეს ოქტომბრისა, უნდა მიღებულიყო კონსტიტუცია და სწორედ ახალი კონსტიტუციის საფუძველზე უნდა ჩატარებულიყო არჩევნები. ამგვარი თანმიმდევრულობა გამართლებულია როგორც პოლიტიკური, ისე სამართლებრივი და სახელმწიფოებრივი თვალსაზრისით. სამწუხაროდ, ამ ბოლო დროს დაიწყო დია საუბარი საპარლამენტო არჩევნების გადადების მიხანშეწონილობაზე. პოლიტიკურ არგუმენტებთან ერთად არჩევნების გადადების საფუძველად მიიჩნევენ კონსტიტუციური პროცესის გაჭიანურებას, როგორც ჩანს, ჯერ მიმდინარეობს ამ აზრის დამკვიდრების მოსამზადებელი ეტაპი, რასაც, ალბათ, მოჰყვება არჩევნების გადადების პრაქტიკული მცდელობა. გაერთიანებული რესპუბლიკური პარტია თვლის, რომ საპარლამენტო არჩევნების გადადება ძირითადად ეწინააღმდეგება საქართველოს სახელმწიფოებრივ ინტერესებს, კერძოდ:

1. დღეს მოქმედი საკონსტიტუციო კანონი სახელმწიფო ხელისუფლების შესახებ არ ითვალისწინებს პარლამენტის უფლებამოსილების ვადის გაგრძელებას. აქედან გამომდინარე, არჩევნების გადადება და პარლამენტის უფლებამოსილების ვადის გაგრძელება არაკანონიერს განხილავს საქართველოს ხელისუფლებას, რაც უკიდურესად დაამძიმებს ჩვენი სახელმწიფოს ისევე, როგორც საზოგადოებას; გასათვალისწინებელია ერთი მნიშვნელოვანი გარემოებაც: ხელისუფლების არალეგიტიმურად ქცევა გააგრძელებს იმ ანტისახელმწიფოებრივ ტრადიციას, რომელსაც, საუბედუროდ, 1992 წლის სახელმწიფო გადატრიალებით დაედო საფუძველი და რომელიც გამოიხატება ქვეყანაში არალეგიტიმური ხელისუფლების წარმოშობა-არსებობით. ამგვარი არალეგიტიმურობის კატასტროფული შედეგები უკვე ვიწვინეთ. ფრიალ დაძვინძვება ჩვენი საერთაშორისო-სამართლებრივ

ივი მდგომარეობაც, რადგან სრულფასოვანი სახელმწიფო-თაშორისო ურთიერთობის ერთ-ერთი აუცილებელი პირობაა ხელისუფლების ლეგიტიმურობა;

2. სახელმწიფო ხელისუფლების შესახებ კანონში შესაბამისი ცვლილების შეტანა და მის საფუძველზე პარლამენტის უფლებამოსილების ვადის გაგრძელება იქნება ხელისუფლების უზურპაციის დაკანონება, რის გამოც ამგვარი ცვლილება არათუ შინაარსობრივად, არამედ ფორმალურადაც ვერ გახდის ხელისუფლებას ლეგიტიმურს; ამდენად, ამ შემთხვევაშიც იმოქმედებს ზემოთხსენებული უარყოფითი ფაქტორები;

3. კონსტიტუციის ახალი რედაქციის საპარლამენტო არჩევნებამდე ვერმიღება არ შეიძლება იყოს არჩევნების გადადების საფუძველი. ასეთ შემთხვევაში პარლამენტი ვალდებულია დანიშნოს არჩევნები, რომელიც ჩატარდება მოქმედი კანონმდებლობის შესაბამისად;

იმავე დროს ვითვალისწინებთ იმ გარემოებას, რომ ჯერ კიდევ დამტკიცებისას უკარგისი საარჩევნო დებულების საფუძველზე არჩევნების ჩატარება და ხელისუფლების შესახებ კანონით გათვალისწინებული სტრუქტურების დაკომპლექტება თავისთავად შეიცავს ბევრ უარყოფით მომენტს სახელმწიფოებრივი აღშენების თვალსაზრისით; ძველი სტრუქტურების უცვლელად დატოვება მძლავრი შემაფერხებელი ფაქტორი გახდება ეროვნული სახელმწიფოს მშენებლობის პროცესში. თუმცა, პოლიტიკური პროცესების ამ მიმართულებით განვითარება ნაკლებად უარესია, ვიდრე არჩევნების გადადება.

არსებული მდგომარეობიდან საუკეთესო გამოსავალი იქნებოდა კონსტიტუციის ახალი რედაქციის მიღება არჩევნებამდე, ხაზს ვუსვამთ, სწორედ არჩევნებამდე და არა არჩევნების ჩატარებასთან ერთად. კონსტიტუციის მიღება და არჩევნების ჩატარება ერთდროულად, როგორც ეს რუსეთში მოხდა, სამართლებრივი და პოლიტიკური ნონსენსია და ჩვეთვის მიუღებელია. დადგენილი პროცედურით კი ქვეყნის ძირითადი კანონის მიღება მორიგ საპარლამენტო არჩე-

ვნებამდე ვერ მოხერხდება. ამავე დროს კონსტიტუციის ფორსირებულად მიღება მოითხოვს დადგენილი პროცედურის დარღვევას, რაც არასასურველია როგორც სამართლებრივი, ისე პოლიტიკური თვალსაზრისით. საკონსტიტუციო პროცესის ფორსირება უდავოდ უარყოფითად იმოქმედებს კონსტიტუციის ხარისხზე; გარდა ამისა, თუ გავითვალისწინებთ ჩვენს პოლიტიკურ წრეებში არსებულ ასობით მკვეთრ სხვადასხვაობას მმართველობის ფორმაზე, სახელმწიფოს ტერიტორიულ მოწყობაზე, აფხაზეთის, შიდა ქართლისა და აჭარის სტატუსზე, სხვა მნიშვნელოვან კონსტიტუციურ საკითხებზე, ცხადი გახდება, რომ პარლამენტში თანხმობის ფორსირებულად მიღწევა უმნიშვნელოვანეს კონსტიტუციურ დებულებებზე ძლიერ გაჭირდება; ხოლო მექანიკური უმრავლესობის შექმნის გზით აღნიშნული პრობლემების გადაჭრა გამორიცხავს თანხმობის მიღწევის საჭიროებასა და არსებობას; ამგვარი თანხმობის არარსებობა კი არამყარი კონსტიტუციისა და არასტაბილური პოლიტიკური ვითარების საფუძველი იქნება, კონსტიტუცია — როგორც ეროვნული თანხმობის შედეგი — არ იარსებებს, რაც ეწინააღმდეგება ჩვენს სახელმწიფოებრივ ინტერესებს. კონსტიტუციის ახალი რედაქციის მიღება დადგენილი პროცედურის დარღვევით კონსტიტუციასა და შესაბამისად, კონსტიტუციური ორგანოების არსებობის არსს, რაც, დიდი ალბათობით, ახალი და დიდი ეროვნული განხეთქილების მძლავრი საფუძველი გახდება და რაც საბოლოო კატასტროფას უქადის ჩვენს ქვეყანას. ამგვარი ხიფათის რეალურობაზე მიუთითებს შემდეგი გარემოება: უკვე არის პრაქტიკული მცდელობები, შეჯერებული მოდელის შეთანხმებული ტექსტის ხელისუფლების ნაწილი გადაიხსნას ხელისუფლების ფუნქციონალური დანაწილების პრინციპის ხელყოფის მიმართულებით, რაც ფრიალ შემამუშავებელია; გარდა იმისა, რომ უკუღებელიყოფილია სახელმწიფოებრივი ინტერესებისათვის მიღწეული შეთანხმების შენარჩუნების საჭიროება, დავიწყებულია საყო-

ველთაოდ აღიარებული ინტერესები: იქ, სადაც უნდა იქნას ხელისუფლების დანაწილება, არ არის კონსტიტუცია. ყოველივე ზემოთქმულის საფუძველზე შეიძლება დავასკვნათ: საქართველოს სახელმწიფოებრივი ინტერესებიდან გამომდინარე, არასასურველი და მიუღებელია კონსტიტუციური პროცესის განვითარება ერთ-ერთი შემდეგი მიმართულებით:

1. კონსტიტუციის ახალი რედაქციის ფორსირებულად მიღება მორიგ უახლეს საპარლამენტო არჩევნებამდე;
  2. დადგენილი პროცედურის დარღვევით კონსტიტუციის ახალი რედაქციის მიღება და მის საფუძველზე საპარლამენტო არჩევნების ჩატარება;
  3. კონსტიტუციის ახალ რედაქციაზე მუშაობის გაგრძელება და საპარლამენტო არჩევნების ჩატარება დღესმოქმედი კანონმდებლობის საფუძველზე;
  4. არჩევნების გადადება კონსტიტუციის ახალი რედაქციის მიღებამდე.
- შექმნილი მდგომარეობიდან ოპტიმალურ გამოსავლად მიგვაჩნია საკონსტიტუციო პროცესის განვითარება „მცირე კონსტიტუციის“ მიღების გზით, რაც გულისხმობს პარლამენტის მიერ რეგულაციების გარეშე რამდენიმე ძირითადი კონსტიტუციური კანონის მიღებას, კერძოდ: დეკლარაცია ადამიანის ძირითად უფლებათა და თავისუფლებათა შესახებ, კანონი სახელმწიფო ხელისუფლების შესახებ, კანონი საკონსტიტუციო სასამართლოს შესახებ, კანონი ადგილობრივი მმართველობისა და თვითმმართველობის შესახებ.
- დღევანდელ ეტაპზე „მცირე კონსტიტუციის“ მიღება რამდენიმე მნიშვნელოვანი დანახარებით ფაქტორით იქნება გამართლებული:
1. მოხერხდება მისი მიღება საპარლამენტო არჩევნებამდე რამდენიმე თვით ადრე მაინც, რაც გამორიცხავს უკარგისი კანონმდებლობის ბაზაზე არჩევნების ჩატარებას;
  2. მოიხსნება არჩევნების გადადების საფუძველი (თუნდაც გაუმართლებელი);
  3. მოიხსნება არალეგიტიმური ხელისუფლების წარმოშობის შესაძლებლობა;
  4. ზემოთხსენებული კონსტიტუციური კანონების უმრავლესობის მიმართ დამოკიდებულებაში არსებული წინააღმდეგობანი ადვილად დასაძლევია იქნება, ხოლო მმართველობის ფორმის საკითხზე კომპრომისის მიღწევის მეტი შესაძლებლობა იქნება როგორც დროის ფაქტორის, ისე ერთი მნიშვნელოვანი გარემოების გამოც; კერძოდ, უკმაყოფილო მხარეს რჩება შესაძლებლობა უახლოეს რამდენიმე წელიწადში „დიდი კონსტიტუ-

# გაერთიანებული რესპუბლიკური პარტიის მემორანდუმი კონსტიტუციურ პროცესთან დაკავშირებით

მეშვიდე გვერდიდან  
ციის“ მიღების დროს მიადწიოს მისთვის მიუღებელი დებულებების გადასინჯვას; ეს პოზიტიური ფაქტორი ზრდის კომპრომისების მიღწევის შესაძლებლობას სხვა საკითხებზეც და მკარდება ახალი ეროვნული განხეთქილების აღბათობა;

5. თავიდან ავიცილებთ რეფერენდუმს, რომლის ჩატარებაც ხელყოფილი ტერიტორიული მთლიანობისა და სხვა გარემოებების გამო ნაკლებადაა სასურველი;


აქვე დავძენთ: „მცირე კონსტიტუციის“ მიღების პრაქტიკა კონსტიტუციონალიზმის ისტორიაში ცნობილია. ისრაელში დღემდე „მცირე კონსტიტუცია“ მოქმედებს; პოსტკომუნისტური ქვეყნებიდან კი დავიმოწმებთ პოლონეთის მაგალითს. ეს ქვეყანა სოციალისტური სტრუქტურების რღვევის შემდეგ რამდენიმე კონსტიტუ-

ციური კანონის მიღებით შემოიფარგლა და „დიდი კონსტიტუციის“ მიღება რამდენიმე წლით გადადო.

გაერთიანებულ რესპუბლიკურ პარტიას აუცილებელ და გადაუდებელ საჭიროებად მიაჩნია კონსტიტუციური პროცესის განვითარებაზე საჯარო მსჯელობა და მისი ოპტიმალური გზით წარმართვა. ამის გამო აღნიშნულ საკითხზე ვიწყებთ კონსულტაციებს ყველა პოლიტიკურ ძალასთან, რომლის შემდეგ შევეცდებით მემორანდუმში დასმული საკითხები გავხადოთ პარლამენტის მსჯელობის საგნად.

გაერთიანებული  
რესპუბლიკური  
პარტიის პოლიტიკური  
საბჭო  
თბილისი, 1995 წ.  
14 თებერვალი

# კროსვორდი



**კორიზონტალურად:** 1. პირი, რომელიც მალავს თავის ვინაობას 3. დიდი ქართველი პოეტი, მწერალი, საზოგადო მოღვაწე. 5. ეტრატი. 7. აყალმაყალი, დიბოში. 9. თხევადი ტვირთის გადასახიდი გემი. 10. უხუცესთა საბჭო ძვ. საბერძნეთში. 11. ტაბლეტი. 12. ადგილი, სადაც ტარდება ლექცია. 14. მეცნიერი, რომელიც შეისწავლის გარე სამყაროს. 16. საჭურვლის საწყობი. 17. ოსმალეთის პრივილეგიებული ქვეითი ჯარის წარმომადგენელი. 19. საკუთარი ცხოვრების აღწერა. 20. მოკლე სასაცილო მოთხრობა, ამბავი. 22. ქედი საქართველოში. 24. მუხის თავიდან ასაცილებელი მოწყობილობა. 26. ლიტერატორი. 28. ქალღმერთი ბერძნულ მითოლოგიაში. 29. ოპერის ტექსტი. 30. სახელმწიფო სამხრეთ ამერიკაში. 31. გამიჯვნა. 32. წიგნის, ნაშრომისა და სხვათა მოკლე გადმოცემა. 33. გასაჩივრება. 34. შეგუება.

**ვერტიკალურად:** 1. ზედა სასუნთქი ორგანოების მკურნალობის ერთ-ერთი საშუალება. 2. სათბური. 3. მწერი. 4. როთუცევაილოვანთა ოჯახის მცენარე, მთის ყვავილი. 5. პირობა, რომელიც უზრუნველყოფს წარმატებას. 6. მე-17 ს. ფლამანდიელი ფერმწერი. 7. სასპორტო ნაგებობა. 8. უძველესი ქალაქი პალესტინაში. 13. დიდი ქართველი პოეტი 15. შაბლონი 18. დიდი ინგლისელი დრამატურგი. 20. XX ს. დეკადენტური მიმართულება რუსულ ლიტერატურაში. 21. ბერძნულ მითოლოგიაში აგამემნონისა და კლიტემნესტრას ასული. 22. საკითხთა ერთობლიობა, რასაც ეხება თხრობა. 23. ხელოვნური რწყვის სისტემა. 24. დრამატურგიის ჟანრი. 25. მეტყველების რიტმულ-მელოდიური წყობა, წარმოთქმის მანერა. 26. სასტამბო ანაბეჭდის გასწორება. 27. პირობითი წერილობითი ნიშანი.

## წინა ნომერში გამოქვეყნებული კროსვორდის პასუხები

**კორიზონტალურად:** 1. ჰერმა 4. მითი 5. თოხი 8. რეკონსტრუქცია 9. პენსნე 10. ავანსი 13. აფრიკატი 15. მარღანია 16. ოდა 17. ანტიგონე 18. ფირდოუსი 21. გუშაგი 22. თაგორი 23. წინასიტყვაობა 24. პური 25. ელვა 26. ლენაუ


**ვერტიკალურად:** 2. ეწიასისი 3. მოთხრობა 6. ლექსიკოგრაფია 7. წინააღმდეგობა 11. მარაო 12. კაფია 14. ყდა 19. ევრიპიდე 20. მოტყუება

## კომპიუტარზე მუშაობის შესწავლის მსურველთა საყურადღებოდ!

განათლების სამინისტროს სსსკ „ინფორმატიკას“ თბილისის ინფორმატიკის  
სასწავლო-მეთოდური ცენტრი  
ვიწვევთ პერსონალური კომპიუტერის შემსწავლელ კურსებზე.  
მსმენელებს საწყისი ცოდნისა და მოთხოვნილების მიხედვით  
შეუძლიათ შეარჩიონ ცენტრში მოქმედი  
კურსებიდან მისთვის სასურველი.

სწავლების პერიოდში მსმენელთა განკარგულებაშია  
IBM-ის ტიპის პერსონალური კომპიუტერები,  
პროგრამული საშუალებები და მეთოდური ლიტერატურა.  
კურსდამთავრებული მიიღებს შესაბამის სერტიფიკატს.

**მისამართი:**  
აჭავჭავაძის ჩიხი №87 (კომპლექს „შოთის“  
ტერიტორიაზე)  
28-58-17 29-48-81



გამოვიდა ინგლისური ენის  
შემსწავლელთათვის საკითხავი  
ლიტერატურის სერიის — „Easy Reading“,  
პირველი წიგნი — ჰარპერ ლის „ნუ  
მოჰკლავ ჯაფარას“. ეს წიგნი, ისევე  
როგორც მთელი სერია, დიდ დახმარებას  
გაუწევს ინგლისური ენის  
შემსწავლელებს.

იგივე სერიით უახლოეს მომავალში  
გამოვა რ.სტივენსონის „განძის  
კუნძული“ და ა. უაილდის „ზღაპრები“.

მთავარი რედაქტორი  
ნოდარ გრიგალაშვილი  
სარედაქციო კოლეგია:  
დავით ბარძენიშვილი, როგან გოცირიძე, თაბაჯ დიასამიძე,  
ბელა ებანოიძე (პასუხისმგებელი მდივანი), მიხეილ მახარაძე  
(მთავარი რედაქტორის მოადგილე), ნოდარ ნათაძე, შოთა  
ნადირაშვილი, თედო კაბაშვილი, ივლიანე ხაინდრაძე.  
მორიგე რედაქტორი ლელა კოდალაშვილი.

რედაქციის მისამართი:  
თბილისი,  
თავისუფლების მოედანი, კუბიანის ქ. 5  
შემოსული მასალები ავტორებს არ უბრუნდებათ.  
გაზეთის ინდექსი 88447  
ფასი 300.000 კუპონი.

ტელეფონები:  
რედაქტორი:  
93-20-86,  
რედაქტორის მოადგილე:  
93-18-41  
პასუხისმგებელი მდივანი:  
93-19-99